



Publicaziuns dalla vischnaunca, jamna 08

Damonda da baghegiar

2019-1035.001

Datum dalla publicaziun: 25 da fevrer 2022

Il patruns: Niklaus ed Elisabeth Waldis-Hörler, Segantinistrasse 17, 7000 Chur
Il representant: Niklaus Waldis, Segantinistrasse 17, 7000 Chur
Object: Midada da project: niev indrez fotovoltaic sin parcella 1831, Via Plaun Sut 9, 7180 Disentis/Mustér

Protestas:

Il plans da construcziun ein deponi tier l'administraziun communal. L'investa publica cuoza 20 dis dapi il datum dalla publicaziun. Eventualas protestas encunter sura damonda da baghegiar ein d'inoltrar a scret enteifer 20 dis all'istanza da baghegiar, caum postal 57, 7180 Disentis/Mustér. La protesta sto esser motivada e suttascreta dil recurrent ni da siu representant.

Disentis/Mustér, ils 25 da fevrer 2022

Uffeci da baghegiar Disentis/Mustér

Annunzias da baghegiar

All'istanza da baghegiar ei sin fundament digl art. 64, alinea 2 dalla lescha da baghegiar e digl art. 40 dall'ordinaziun davart la planisaziun dil territori dil cantun Grischun OPT vegniu annunziau suandonts projects:

Nr. 2021-2102.000

Severin Lutz, Via Sorts 9, 7162 Tavanasa; nova suosta per lenna, parcella 2882, Raveras, 7180 Disentis/Mustér.

Nr. 2022-2006.000

Primus e Prisca Solèr-Schmed, Via Caschuarz 6, 7180 Disentis/Mustér; sanaziun dils mirs da sustegn, parcella 1049, Via Caschuarz 6, 7180 Disentis/Mustér.

Nr. 2022-2007.000

Roman Monn, Via Sursilvana 6, 7180 Disentis/Mustér; modificaziun dil terren, parcella 3474, Cavardiras, 7182 Cavardiras.

Nr. 2022-2008.000

Ignaz e Madlen Deflorin-Spescha, Via Sursilvana 10, 7180 Disentis/Mustér; sanaziun dil tetg plat encunter nord, parcella 904, Via Sursilvana 10, 7180 Disentis/Mustér.

Nr. 2022-2009.000

Claustra benedictina Mustér, Via Claustra 1, 7180 Disentis/Mustér; sanaziun dalla fatschada vest, dallas finiastras, escha e storas, parcella 2883, Via Lucmagn 29, 7180 Disentis/Mustér.

Disentis/Mustér, ils 25-2-2022

Uffeci da baghegiar Disentis/Mustér

Cussegl da vischnaunca

Rapport dalla seduta dils 18-2-2022

Venderdis, ils 18 da fevrer 2022 ha giu liug ella halla Cons l'endischavla seduta dil cussegl da vischnaunca dalla perioda d'uffeci 2021/2024. El center dalla seduta ei stau il concept communal davart sendas per velos da muntogna (mountainbike). Plinavon ha il cussegl da vischnaunca approbau la revisiun parziala dallas statutas dil circuit da register funsil Cadi e priu enconuschientscha dil project «la pendentia».



Il cussegl da vischnaunca ha sut l'egida dil president dil cussegl da vischnaunca **Adrian Deflorin** approbau il concept communal da bike per la realisaziun da differentas sendas da bike. Sper entgins projects locals da bike (sanaziuns dils trasses ni construcziuns novas) vegn il project regional da bike (Gottard-labirint) sut il tetg da PSG (project San Gottardo) che colligia la Surselva cun ils cantuns Tessin ed Uri persequitau vinavon e realisau. Pil concept communal da bike ei vegniu concediu unanimamein in credit da frs. 475 000.– pils onns 2021/2024. Quei conclus vegn suttamess al referendum facultativ.

Plinavon ha il cussegl da vischnaunca approbau unanimamein la revisiun parziala dallas statutas dil circuit da register funsil Cadi che dateschan digl onn 2007. Muort las midadas dil dretg cantunal ch'ei succedidas ils davos onns sco era l'appartenenza dalla vischnaunca da Breil agl uffeci funsil da Glion eis ei stau necessari d'actualisar las statutas.

Ultra da quei ha il cussegl da vischnaunca priu enconuschientscha dil project «la pendentia». Il president dall'unien «la pendentia», **Christian Loretz**, ha presentau il project che preveda cun ina lunghezia da rodond 300 meters la pli liunga punt pendentia dil Grischun che meina da Sontga Gada a Mumpé Medel. Il project vegn calculaus cun cuosts dad 1,8 milliuns francs. Da quella summa ei previu da rimnar 1,1 milliuns francs dall'interessenza privata. Il project duei vegnir realisau ils proxims dus onns.

Suprastonza communal

Referendum facultativ

A caschun da sia seduta dils 18 da fevrer 2022 ha il cussegl da vischnaunca approbau unanimamein in credit da frs. 475 000.– pil concept communal da bike per la realisaziun da sendas da bike.

Conform ad art. 21 lit. c dalla constituziun communal ei quella decisiun suttamessa al referendum facultativ. Il messadi davart quella fatschenta ei exponius per investa en casa communal (stanza nr. 10).

Enteifer 20 dis dapi la publicaziun officiala han 80 votants la pusseivladad d'inoltrar enviars sura conclus il referendum e pretender ina votaziun dil pievel.

Suprastonza communal

Affittaziun dalla tegia d'alp Tioias

Preziadas convischinas, preziai convischins

La vischnaunca possibilitescha a convischinas e convischins dalla vischnaunca da Disentis/Mustér d'affittar la tegia d'alp Tioias.

Nus supplichein d'annunziar agl uffeci da baghegiar Voss'interessenza entochen **ils 31 da mars 2022**. Silsunter vegn la suprastonza communal a far la selecziun. Il temps d'affittaziun cuoza entochen la fin digl onn 2030.

Per ulteriurs sclariments stat Marco Tomaschett, menader digl uffeci da baghegiar (tel. 081 920 36 46 ni baghegiar@disentis.ch) bugen a Vossa disposiziun.

Bien engraziament per Vies interess.

Disentis/Mustér, ils 25 da fevrer 2022
Uffeci infrastruttura e baghegiar



Corporaziun d'aua «Las Fontaunas» Mumpé Medel

Invitaziun alla davosa radunonza generala, sonda, ils 5 da mars 2022, allas 20.00 el local «La scursalada»

Tractandas:

1. Elecziun dumbravuschs
2. Prelecziun ed approvaziun dil protocol dalla davosa radunonza generala
3. Orientaziuns
4. a) Rendaquen 2021
b) Rapport dils revisurs ed approvaziun dil quen
5. Plaid da soluziun
6. Varia

La suprastonza

Controlla da habitonts

Mortori

Georg Orlik-Bigliel, naschius ils 22 da zercladur 1933, morts ils 19 da fevrer 2022

Pass da vacanzas Cadi 2022

Preavis

Pass da vacanzas Cadi 2022
21-7-2022 entochen 7-8-2022

Ulteriuras informaziuns suondan sut la pagina www.projuniorcadi.ch
Il team dil pass da vacanzas Cadi 2022

Uniun samaritana Mustér

Cuors: Agid d'urgenza tier affons pigns (Notfälle bei Kleinkindern)

Sonda, ils 12 da mars 2022, dallas 8.00–12.00 ni evtl. 13.00–17.00 en casa da scola, Mustér. Il cuors sedrezza a mummas e babs, tattas e tats ed a tut las persunas che sefatschentan cun affons pigns ed era pli gronds. Ulteriur sclariment ed annunzias entochen ils 8 da mars 2022 tier Martina Giger, 079 299 36 13, martina.casanova@gmx.ch
